



XALQ DEPUTATLARI TOSHLOQ TUMAN KENGASHINING QARORI

2022 - yil 28 - oktabr

VI-62-130-11-160-K/22

Toshloq tumani hokimligi

Mahalliy byudjet mablag‘larini jamoatchilik fikri asosida shakllantirilgan tadbirlarga yo‘naltirish jarayonlarida fuqarolarning ishtirokini yanada qo‘llab-quvvatlash to‘g‘risida

O‘zbekiston Respublikasi Prezidentining 2021-yil 13-apreldagi “Budjet jarayonida fuqarolarning faol ishtirokini ta‘minlash bo‘yicha qo‘shimcha chora-tadbirlar to‘g‘risida”gi PQ–5072-sonli hamda O‘zbekiston Respublikasi Prezidenti Shavkat Mirziyoyev raisligida “Mahallalarni obod qilish va aholini o‘ylantirayotgan masalalarni hal etish bo‘yicha ustuvor vazifalar”ga bag‘ishlab 2022-yil 11-oktyabr kuni o‘tkazilgan videoselektor yig‘ilishida berilgan topshiriqlar ijrosini ta‘minlash va O‘zbekiston Respublikasi Oliy Majlisi Senati Kengashining 2021-yil 22-apreldagi KQ-213-IV-sonli qaroriga asosan mahalliy budjet mablag‘larini jamoatchilik fikri asosida shakllantirilgan tadbirlarga yo‘naltirish jarayonlarida fuqarolarning ishtirokini yanada qo‘llab-quvvatlash maqsadida xalq deputatlari Toshloq tuman Kengashi

QAROR QILADI:

1. O‘zbekiston Respublikasi Prezidenti Shavkat Mirziyoyev raisligida “Mahallalarni obod qilish va aholini o‘ylantirayotgan masalalarni hal etish bo‘yicha ustuvor vazifalar”ga bag‘ishlab 2022-yil 11-oktyabr kuni o‘tkazilgan videoselektor yig‘ilishida berilgan topshiriqlar ijrosini ta‘minlash maqsadida Toshloq tumaniga har biri 2 ming tadan ortiq ovoz to‘plagan, lekin g‘olib bo‘lmagan **4 ta** takliflarni moliyalashtirish uchun respublika byudjeti mablag‘lari hisobidan **3 650 mln.so‘m** qo‘shimcha mablag‘ ajratilganligi ma‘lumot uchun qabul qilinsin.

2. Ishchi guruh xulosalariga asosan, xalq deputatlari Toshloq tuman Kengashining 2022-yil 4-fevral kungi VI-53-19-11-160-K/22-sonli qarori bilan

tasdiqlangan Nizom talablaridan, shuningdek, O‘zbekiston Respublikasi Prezidenti Shavkat Mirziyoyev raisligida “Mahallalarni obod qilish va aholini o‘ylantirayotgan masalalarni hal etish bo‘yicha ustuvor vazifalar”ga bag‘ishlab 2022-yil 11-oktyabr kuni o‘tkazilgan videoselektor yig‘ilishida berilgan topshiriqlaridan kelib chiqib, 2 mingtadan ko‘p ovoz olgan hamda “Ochiq budget” axborot portalida avtomatik tarzda g‘olib sifatida tanlab olingan takliflar “g‘olib” deb topilsin.

3. Toshloq tumani bo‘yicha o‘tkazilgan tashabbusli byudjet jarayoni yakunlariga ko‘ra g‘olib bo‘lgan ID 1450600021 loyihani amalga oshirish bo‘yicha xarid qilinadigan tovar (xizmatlar) reestr 1-ilovaga muvofiq tasdiqlansin.

4. Ushbu takliflarni moliyalashtirish bo‘yicha “Manzilli ro‘yhat” 2-ilovaga muvofiq tasdiqlansin hamda ijro uchun qabul qilinsin.

Bunda,

- Jamoatchilik fikri asosida shakllantirilgan tadbirlarni amalga oshirish bo‘yicha tuzilgan shartnomaga ishlar hajmining ko‘payishi yoki loyihaning o‘zgartirilishi bilan bog‘liq o‘zgartirishlar kiritilishiga yo‘l qo‘yilmaslik;

- Jamoatchilik fikri asosida shakllantirilgan tadbirlarni moliyalashtirishga yo‘naltiriladigan tuman mablag‘lari tuman hokimligi qoshida ochilgan “Fuqarolar tashabbusi jamg‘armasi” shaxsiy g‘azna hisobvarag‘ida jamlangan mablag‘larni boshqa maqsadlarga sarflanishi taqiqlanishi belgilab qo‘yilsin.

5. Tasdiqlangan Manzilli ro‘yxat asosida:

- tuman hokimligi Moliya bo‘limi (J.Qurbonov) tanlab olingan tadbirlarni moliyalashtirilishini ta‘minlash maqsadida, buyurtmachi tashkilotlariga tegishli mablag‘ manbaasi bo‘yicha (4017) “Fuqarolar tashabbusi jamg‘armasi” maxsus hisob raqamlari ochilishini;

- tuman hokimligi hisobxonasi (Sh.Mo‘minov) Jamg‘arma mablag‘lari hisobidan tegishli buyurtmachi tashkilotlarga mablag‘lar yo‘naltirilishini;

- buyurtmachi tashkilotlar ajratilgan mablag‘larni loyiha-smeta xujjatlari asosida belgilangan tartibda maqsadli ishlatilishi va amalga oshirilgan ishlar bo‘yicha xalq deputatlari tuman Kengashi va tuman hokimligi huzuridagi ishchi guruhga ma‘lumot kiritib borilishi ta‘minlasin.

6. Tuman hokimligining axborot xizmati rahbari-matbuot kotibi (R.Mamajonov) va tuman moliya bo‘limi (J.Qurbonov) bilan birgalikda

jamoatchilik fikri asosida shakllantirilgan va “g‘olib” deb topilgan tadbirlarning moliyalashtirishi hamda amalga oshirilishi lozim ishlar bo‘yicha ma’lumotlarni “Ochiq byudjet” portaliga joylashtirilishi va keng jamoatchilikka muntazam yoritib borilishini ta’minlasin.

7. Tuman byudjetlarining jamoatchilik fikri asosida shakllantirilgan tadbirlarni moliyalashtirishga yo‘naltirilgan mablag‘larining belgilangan maqsadlarda va samarali foydalanilishi hamda mablag‘larning ajratilishi uchun taqdim etiladigan barcha hujjatlarning haqqoniyligiga Ishchi komissiya a‘zolari shaxsan javobgarligi eslatib o‘tilsin.

8. Mazkur qaror bajarilishini nazorat qilish xalq deputatlari tuman Kengashining Mahalliy byudjet, iqtisodiy islohotlarni amalga oshirish, investitsiyalar va tadbirkorlikni rivojlantirish masalalari bo‘yicha doimiy komissiyasi (M.Djo‘raboyev) tuman hokimining moliya-iqtisodiyot va kambag‘allikni qisqartirish masalalari bo‘yicha birinchi o‘rinbosari K.Umarov zimmlariga yuklatilsin.

Kengash raisi



A.Djurabaev

Xalq deputatlari Toshloq tuman Kengashining
2022 yil 28 oktabrdagi
VI-62-130-11-160-K/22-son qaroriga
1-ilova

Toshloq tumani bo'yicha o'tkazilgan tashabbusli byudjet jarayoni yakunlariga ko'ra g'olib bo'lgan ID 1450600021 loyihani amalga oshirish bo'yicha xarid qilinadigan tovar (xizmatlar)

Reestri

T/R	Tovar (xizmat) nomi	Soni	Bozor narxi	Summasi
1	Parta (5-11 sinf)	270	1,300,000	351,000,000
2	Parta (1-4 sinf)	180	1,300,000	234,000,000
3	Teatralniy stulya (3-o'rindiqli)	50	1,300,000	65,000,000
4	Ish stoli (faollar zali)	1	10,000,000	10,000,000
5	Oshxona stoli	20	800,000	16,000,000
6	Doska	8	1,700,000	13,600,000
7	Ish stoli	25	850,000	21,250,000
8	Elektron doska 43d	2	25,000,000	50,000,000
9	O'qituvchilar xonasi stoli	1	14,000,000	14,000,000
10	Rahbar stoli	4	6,000,000	24,000,000
Loyihani amalga oshirish jami qiymati				798,850,000

Xalq deputatlari Toshloq tuman Kengashining
2022 yil 28 oktabrdagi
VI-62-130-11-160-K/22-son qaroriga
2-ilova

**Toshloq tumani "Tashabbusli byudjet" loyihasining 2-mavsumi O'zbekiston Respublikasi Prezidentining 2022-yil 25-oktabrdagi "Byudjet jarayonida fuqarolarning faol ishtirokini ta'minlash bo'yicha qo'shimcha chora-tadbirlar to'g'risida"gi PQ-409-sonli qarori natijalariga asosan jamoatchlik fikri asosida shakllangan tadbirlarni moliyalashtirish bo'yicha
MANZILLI RO'YXAT**

№	G'olib taklif ma'lumotlari						Amalga oshirishning aniqlangan qiymati	Xaqiqatda ajratilgan mablag'	Buyurtmachi etib belgilangan tashkilot
	Taklif ID raqami	Taklif turkumi	Qisqacha mazmuni	Tadbirlarning manzili (Joylashgan MFY nomi)	Amalga oshiriladigan tadbir turi	To'plagan ovozlari soni			
1.			Toshloq tumani jami		xxx	11,773	3,650	3,650	
2.	1450600142	Ichimlik suvi va oqava tizimini yaxshilash bilan bog'liq tadbirlar	Sadda MFY A.Navoiy ko'chasidagi ko'p qavatli uylarga 1,5 km kanalizatsiya tarmog'ini tortish	Toshloq tumani Sadda MFY	Qurilish	3465	1,200	1,200	Suv ta'mionta va oqava suv ob'ektlari qurilishi bo'yicha injinering kompaniyasi UK hududiy boshqarmasi

3.	1450600028	Sogʻliqni saqlash muassasalarini taʼmirlash va moddiy-texnika bazasini rivojlantirish tadbirlari	Insonlarga sifatli tibbiy xizmat koʻrsatish maqsadida Toshloq tumani Turvat MFY da joylashgan Turvat QVP binosini joriy taʼmirlash	Toshloq tumani Turvat MFY	Taʼmirlash	3452	850	850	Tuman tibbiyot birlashmasi
4.	1450600103	Umumtaʼlim maktablarini taʼmirlash va moddiy-texnika bazasini rivojlantirish tadbirlari	Toshloq tumani 6-umumiy oʻrta taʼlim maktabini joriy taʼmirlash	Toshloq tumani Qamchipurush MFY	Taʼmirlash	2626	800	800	Tuman xalq taʼlimi boʻlimi
5.	1450600021	Umumtaʼlim maktablarini taʼmirlash va moddiy-texnika bazasini rivojlantirish tadbirlari	Toshloq tumani 12-umumiy oʻrta taʼlim maktabiga zamonaviy oʻquv jihozlari sotib olish	Toshloq tumani Zarkent MFY	Jihozlash	2230	800	800	Tuman xalq taʼlimi boʻlimi